

Broj: 01-940-02-7/16
Datum: 18.10.2016.

Na osnovu člana 64. stav 1b., člana 70. Zakona o javnim nabavkama („Službene novine BiH“, broj 39/14), na Preporuku Komisije za javne nabavke broj 01-940-02-6/16 od 18.10.2016.godine u postupku javne nabavke radova na sanaciji vodovodne i kanalizacione mreže u Zavodu za vaspitanje muške djece i omladine-Sarajevo, direktor Zavoda je donio

ODLUKU O IZBORU NAJPOVOLJNIJEG PONUĐAČA

Član 1.

Prihvata se Preporuka Komisije za javne nabavke broj 01-940-02-6/16 od 18.10.2016.godine i ugovor za javnu nabavku radova na sanaciji vodovodne i kanalizacione mreže u Zavodu za vaspitanje muške djece i omladine-Sarajevo dodjeljuje se ponuđaču GALBOLS d.o.o. Sarajevo, ponuda broj 242/16, za ponudenu cijenu od 17.074,50 KM bez obračunatog PDV-a, kao najbolje ocjenjenom ponuđaču.

Član 2.

Prijedlog ugovora o nabavci predmetnih radova dostavit će se na potpis izabranom ponuđaču GALBOLS d.o.o. Sarajevo po proteku roka od 15 dana računajući od dana kada su svi ponuđači obavješteni o izboru najpovoljnije ponude.

Član 3.

Za izvršenje ove odluke zadužuje se Služba za finansijske, pravne i opšte poslove.

Član 4.

Ova Odluka objavit će se na web stranici Zavoda istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa odredbama Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-940-02/16 od 30.09.2016.godine. Javna nabavka je provedena putem konkurentskog zahtjeva za dostavu ponuda. Procjenjena vrijednost javne nabavke bez PDV-a iznosi 24.000,00 KM. Obavijest o nabavci broj 596-7-3-19-3-4/16 objavljena je na portalu javnih nabavki dana 30.09.2016.godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na portal javnih nabavki):

- HYDRO WEYS d.o.o.
- BUJICE d.d. Konjic
- KJKP “VODOVOD I KANALIZACIJA” d.o.o. Sarajevo

Komisija za javnu nabavku imenovana je Odlukom broj 01-812-02-1/16 od 25.08.2016.godine

Komisija za javnu nabavku dostavila je dana 17.10.2016.godine Zapisnik o ocjeni ponuda broj 01-940-02-5/16 od 18.10.2016.godine i Preporuku o izboru najpovoljnijeg ponuđača broj 01-940-02-6/16 od 18.10.2016.godine u postupku javne nabavke radova na sanaciji vodovodne i kanalizacione mreže u Zavodu za vaspitanje muške djece i omladine-Sarajevo.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajući zapisnik u kojem je utvrđeno sljedeće:

- da je ukupan broj pristiglih ponuda 3
- da su sve ponude blagovremeno zaprimljene
- da nije bilo neblagovremenih ponuda

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da ponuda ponuđača GALBOLS d.o.o. ispunjava formalno pravne, ekonomske i tehničke uslove, odnosno da je ponuda prihvatljiva i može biti predmet vrednovanja shodno kriterijima utvrđenim Obavještenjem o nabavci, odnosno tenderskom dokumentacijom.

Komisija konstatuje da ponude ponuđača HADŽIĆ-GRADNJA d.o.o. i HYDRO WEYS d.o.o. nisu prihvatljive, jer ne ispunjavaju tehničke uslove utvrđene u tački 4 tenderske dokumentacije, koja se odnosi na pripremu ponuda, a u skladu sa članom 8. stav 2) i 3) Uputstva za pripremu modela tenderske dokumentacije i ponude ??????????

Shodno navedenom i cijeneći da je riječ o uslovima koji predstavljaju bitan aspect ponude, Komisija zauzima stav da se navedene ponude smatraju neprihvatljivim, te ne mogu biti predmet daljeg vrednovanja.

U postupku donošenja ove odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriteriju iz tenderske dokumentacije.

U postupku ocjene provedenog postupka direktor nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Uvidom u priloženu dokumentaciju nesporno je da je izabrani ponuđač najbolje ocjenjen zbog **najniže cijene tehnički zadovoljavajuće ponude** kako slijedi:

	Naziv/ Ime ponuđača	Cijena ponude bez PDV-a i sa ponuđenim popustom
1	GALBOLS d.o.o.	17.074,50 KM
2	HADŽIĆ-GRADNJA d.o.o.	18.999,01 KM
3	HYDRO WEYS d.o.o.	23.965,50 KM

Izabrani ponuđač je izabran primjenjujući kriterij najniže cijene tehnički zadovoljavajuće ponude koja je ponuđena u iznosu od 17.074,50 KM (bez PDV-a), dok ponude ostalih ponuđača ne ispunjavaju tehničke uslove i iz tog razloga smatraju se neprihvatljivim.

Iz navedenih razloga primjenom člana 64. stav 1. tačka b “**najniža cijena**” Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba najkasnije u roku od 5 (pet) dana od prijema ove Odluke.

DIREKTOR

Šuško Dževad, dipl.scr

Dostaviti:

- 1) GALBOLS d.o.o. Sarajevo
- 2) HADŽIĆ-GRADNJA d.o.o. Sarajevo
- 3) HYDRO WEYS d.o.o. Sarajevo